

եւք՝ ուղղում է նրա արտերը: Այժմ գիւղն ունի 80 տուն բնակիչ 635 շնչով, որից 320-ը արական է և 315-ը իգական. նրանք գաղթել են Հին - Ջուղայից 1606 թւին, Շահ-Աբբասի ձեռքով. պարսպում են գլխաւորապէս հողագործութեամբ:

Հողը պատկանում է 2 կալաճատէրերի՝ Հայդար աղա և Միրզա-Ղուլի. բերքի $\frac{1}{3}$ մասը ազաններինն է. մօտաւորապէս տարեկան 300 խալվար ցորեն և գարի են վճարում գիւղացիները նրանց, բացի այդ տալիս են՝

Մարդազուլու 5 զօան. Չորս ոչխարին 2 զօան.
Կովին 3 էշին 3

Գիւղն ունի Ս. Աստուածածին եկեղեցին, որի զօան առաջը զօրդարւած է գեղեցիկ, մեծազիր քարերով, իսկ եկեղեցուն կից գտնւում է խալիֆայական խեղճ ու կրակ գալրոցը, ուր սովորում են 20-ից աւելի աշակերտ-աշակերտուհիներ: Գիւղացիք մեծամասնութեամբ անգրագէտ են:

Այս գիւղն ունի փառաւոր անցեալ. տարիներ առաջ ունեցել է 600 տուն բնակիչ և Ս. Աստուածածնի վանքը, ուր նստելիս է եղել առաջնորդ և իշխում ո՛չ միայն Փէրիա գաւառին՝ այլև Համազան քաղաքին: Սակայն վանքն ամայանալուց լեռոյ, բնակիչների թիւը նւազում է և գիւղը կորցրնում իր առաջւայ փառքը:

Մի հանգամանք նաև, որ աչքի է զօրկում այս շրջանում. դա այն է, որ գիւղացիութիւնն այստեղ ազատ է լուսկան ճընշումներից, շնորհիւ ազանների բարեացակամ վերաբերմունքին:

№	Կ Ա Ր Գ Ե Ր	Շունչ
1	Աղբատ	180
2	Չունևոր	40
3	Միջակ	250
4	Ունևոր	125
5	Հարուստ	90
Ընդամենը		635

Թ Ի Ր Ի Ք Ե Ա Ր Տ

Հազարչրիբից դէպի հիւսիս, մէկուկէս Փարսասի հեռու